

АКАФИСТ  
ПРЕСВЯТЕЙ БОГОРОДИЦЕ В ЧЕСТЬ  
ИКОНЫ ЕЯ „ВЗЫСКАНИЕ ПОГИБШИХ“

5/18 ФЕВРАЛЯ.

ТРОПАРЬ, ГЛ. 7:

Радуйся, благодѣтельная Богородице  
Деве, / во объятіях Своих Пре-  
вѣчнаго Младенца и Бога но-  
сѣвшая, / проси Его дати міру  
умирѣніе / и душам нашим  
спасѣніе. / Сын бо Тебе, Бого-  
матри, вещает, / яко вся прощѣнія  
Твоя во благое исполнит. /  
Сего ради и мы, припадающе,  
молимся / и, надеющеся на Тя,  
да не погибнем. / Имя Твое  
именуем, / Ты бо еси, Владычице, /  
Взысканіе погибших.

ИН ТРОПАРЬ, ГЛ. 4:

Взыщи нас, погибѣющих, Пресвя-  
тая Деве, / не по грехом бо нашим  
наказуеши нас, / но по человеко-  
любію

МІЛУЕШИ, / ИЗБАВИ НАС <sup>от</sup> АДА, БО-  
ЛѢЗНИ И НУЖДЫ / И СПАСИ НАС.

### Кондак, гл. 6:

НЕ ИМАМЫ ИНЫЯ ПОМОЩИ, / НЕ  
ИМАМЫ ИНЫЯ НАДЕЖДЫ, / РАЗВЕ  
ТЕБѢ, ПРЕЧІСТАЯ ДѢВО. / ТЫ НАМ ПО-  
МОЗИ, / НА ТЕБѢ НАДѢЕМСЯ / И ТОБОЮ  
ХВАЛИМСЯ, / ТВОИ БО ЕСМЫ РАБЫ,  
ДА НЕ ПОСТЫДИМСЯ.

## АКАФИСТ

### Кондак 1.

ВЗБРАННОЙ ВОЕВОДЕ, ЦАРИЦЕ  
НЕБЕСЕ И ЗЕМЛИ, ДАРОВАВШЕЙ  
НАМ ПРЕЧУДНУЮ ИКОНУ ВЗЫСКУЮ-  
ЩУЮ, БЛАГОДАРСТВЕННОЕ ПРИНО-  
СИМ ПѢНИЕ. ТЫ ЖЕ, ЯКО БЛАГО-  
СЕРДАЯ МАТИ, НЕ ОТРИНИ НАШЕГО  
СЕРО МОЛѢНІЯ, НО БЛАГОВОЛИ  
ПРИЯТИ Е, И СПОДОБИ ВОПИТИ  
ТЕБѢ ТАКО: РАДУЙСЯ,



БЛАГОДАТНАЯ БОГОРОДИЦЕ ДѢВО,  
ВСЕБЛАГАЯ МАТИ, ВЗЫСКУЮЩАЯ  
ПОГИБАЮЩИХ.

### Икос 1.

АНГЕЛЬСКИЙ УСЛЫША ГЛАС  
СВЯТАЯ АННА, ВЕЩАЯ: ЗАЧНЕШИ  
И РОДИШИ ДЩЕРЬ, ПРЕБЛАГОСЛОВЕН-  
НУЮ МАРИЮ, О НЕЙ ЖЕ БЛАГОСЛО-  
ВЯТСЯ ВСЯ КОЛѢНА ЗЕМНАЯ И  
ПРИЙДЕТ СПАСЕНИЕ ВСЕМУ МІРУ;  
МЫ ЖЕ, СІЕ ВѢДУЩЕ, ВОЗОПИМ  
БОГОРОДИЦЕ:

РАДУЙСЯ, МАТИ СЫНА БОЖІЯ;  
РАДУЙСЯ, ПРЕМЕПОРОЧНАЯ ДѢВО.  
РАДУЙСЯ, СПАСА ДУШ НАШИХ РОДИВ-  
ШАЯ;

РАДУЙСЯ, НЕВМЕСТИМАГО  
ВМЕСТИЛИЩЕ.

РАДУЙСЯ, К СМЕРТНЫМ БЛАГОВОЛѢНІЕ;  
РАДУЙСЯ, СМЕРТНЫХ К БОГУ  
ДЕРЗНОВЕНІЕ.

РАДУЙСЯ, ЧЕСТНЕЙШАЯ ХЕРУВІМ;

Радуйся, Славнейшая без сравне-  
ния Серафим.

Радуйся, ада и смерти попрание;  
Радуйся, вечныя жизни дарование.

Радуйся, Благодатная Богородице  
Деве, Всеблагая Мати,  
взыскующая погибавших.

### Кондак 2.

Видевше святии Твои родители  
Иоаким и Анна, яко Ты еси, Пре-  
чистая, плод благословенный, воз-  
благодарйша Бога, и пред дверьми  
храма положиша обет посвятити  
Тя Господу, поюще Ему: Аллилуия.

### Икос 2.

Разум совершенный стяжала  
еси, Богородице, воспитавшись во  
Святая Святых, тако же не престан-  
и умудрять и просвещать све-  
том богоразумия и вся христианы,  
вопиущия Ти таковая:

Радуйся, к богопознанию

приводящая;



Радуйся, к СВѢТУ ИСТИНЫ  
ПРЕЛЫЩЕННЫХ ОБРАЩАЮЩАЯ.  
Радуйся, СТРАХ БОЖИЙ В СЕРДЦА  
ВСЕЛЯЮЩАЯ;

Радуйся, БЛАГОГОВѢТИ ПРЕД  
СВЯТЫНЕЮ НАУЧАЮЩАЯ.

Радуйся, РЕВНОСТИЮ КО СПАСЕ-  
НИЮ ВОДУШЕВЛЯЮЩАЯ;

Радуйся, ХРАМЫ БОЖИИ  
ПОЧИТАТИ ВКУШАЮЩАЯ.

Радуйся, в них ОТРАДУ НАХОДИТИ  
ВДОХНАВЛЯЮЩАЯ;

Радуйся, ЖАЖДУ СВЯТАГО ПРИЧА-  
ЩЕНИЯ ВОЗБУЖДАЮЩАЯ.

Радуйся, ВѢРУ И ЛЮБОВЬ К БОГУ  
ВОСПЛАМЕНЯЮЩАЯ;

Радуйся, ЧИСТОТЫ И ЦЕЛОМУДРИЯ  
ПОВОРНИЦЕ.

Радуйся, БЛАГОДАТНАЯ  
БОГОРОДИЦЕ ДѢВО, ВСЕБЛАГАЯ  
МАТИ, ВЗЫСКУЮЩАЯ  
ПОГИБАЮЩИХ.

### Кондак 3.

СИЛА ВЫШНЯГО ОСЕНИ ТЯ, БЛАГО-  
ДАТНАЯ, ЕГДА АРХАНГЕЛ ГАВРИИЛ  
БЛАГОВЕСТВОВАНИЕ О БЕЗСЕМЕННОМ  
ЗАЧАТИИ ИЗ ТЕБЕ СЫНА БОЖИЯ СПА-  
СИТЕЛЯ МИРУ ПРИНЕСЕ; ТЫ ЖЕ, ПРИ-  
ЯВШИ СИЮ БЛАГУЮ ВЕСТЬ СО СМИ-  
РЕНИЕМ, ЯКО РАБА ГОСПОДНЯ,  
ВОЗОПЛА ЕСИ БОГУ: **Аллилуиа.**

### Икос 3.

ИМУЩИ ВО УТРОБЕ ХРИСТА ЖИЗНОДАВ-  
ЦА, ВОСТЕКЛА ЕСИ, БЛАГОСЛОВЕННАЯ,  
К ЮЖИЦЕ СВОЕЙ, ПРАВЕДНЕЙ ЕЛИСА-  
ВЕТЕ, И ЦЕЛОВАСТЕСЯ ОБЕ МАТЕРИ,  
РАДУЮЩЕСЯ О БОЗЕ СПАСЕ НАШЕМ.  
СЕРО РАДИ, ЯКО ИСТОЧНИКУ СВЯТЫЯ  
РАДОСТИ, ВОПИЕМ ТИ СЯЦЕ:

**РАДУЙСЯ**, ТЯЖКОЕ ЖИТИЕ НАШЕ  
ОБЛЕГЧАЮЩАЯ;

**РАДУЙСЯ**, ЛЮТЫЯ БЕДЫ И НАПАСТИ  
ОТГОНЯЮЩАЯ.

**РАДУЙСЯ**, ОТ ДУШЕВНЫХ ТУГ И



УНЫНІЯ СПАСАЮЩАЯ.

РАДУЙСЯ, В САМѢХ СТРАДАНИИХ  
УТЕШЕНІЕ ПОДАЮЩАЯ;

РАДУЙСЯ, ЯКО ТЮЮ ДБРОЕ  
ЖЕЛАНІЕ НАШЕ ИСПОЛНЯЕТСЯ.

РАДУЙСЯ, ЯКО ТЮЮ ЗЛАЯ НАЧИ-  
НАНІЯ НАША ПРЕСЕКАЮТСЯ;

РАДУЙСЯ, ОГНЕМ МАТЕРНІЯ ТВОЕЯ  
ЛЮБВѢ ДУШИ ВѢРНЫХ СОГРЕВАЮЩАЯ.

РАДУЙСЯ, БЛАГОДАТІЮ СВАТАГО  
ДУХА НАС ОЗАРЯЮЩАЯ;

РАДУЙСЯ, ВСЕХ СКОРБЯЩИХ И  
УГНЕТЕННЫХ МАТИ БЛАГОСЕРДАЯ.

**РАДУЙСЯ**, БЛАГОДАТНАЯ БОГОРОДИЦЕ  
ДЕВО, ВСЕБЛАГАЯ МАТИ,

ВЗЫСКУЮЩАЯ ПОРИБАЮЩИХ.

### Кондак 4.

БУРЯ НЕДОУМѢНІЯ СМУЩАЕТ МНЕ УМ,  
КАКО ВОЗМОГУ НЕДОСТОЙНЫМИ УСТНЫ  
ВОСХВАЛИТИ ТЯ ПРЕСВЯТАЯ ДЕВО,  
ЗА ТВОЕ ВЕЛИКОЕ НАМ ВОСПОМОЖЕНІЕ;  
НІЕ; ТЕМЖЕ, ВЕЛИЧАЯ НЕИСЧЕТНЫЯ

Твоя милости, смиренномудренно  
пою Вседержителю Богу: **Аллилуиа.**

### **Икос 4.**

**С**лышаша Вифлеемстии пастырие  
Ангелов, поющих Христова Рожде-  
ство, текше к пещере, обретаща  
тамо Богородительницу, на руках  
державшую Предвечнаго Младенца.  
Сними в веселии духовном и мы  
Тебе, яко общей Матери, глаголем  
**ТАКО:**

**Р**адуйся, младенцев воспитание.  
Радуйся, отроком смысла пода-  
тельнице.

Радуйся, добрых дел величие.

Радуйся, возрастных мужей

премудростию оборащающая.

Радуйся, жизнь смирением и  
кротостию наставляющая.

Радуйся, старцев благоговейных  
сладкое успокоение.

Радуйся, стариц благолюбивых



ТѢХОЕ ПРИБѢЖИЩЕ.  
РАДУЙСЯ, ЧЕСТНЫХЪ БРАКОВЪ  
УСТРОЕНИЕ.

РАДУЙСЯ, БЛАГОЧЕСТИВЫХЪ СЕМЕЙСТВЪ  
БЛАГОСЛОВЕНИЕ.

РАДУЙСЯ, ДѢВСТВА ПОХВАЛО И  
ВОЗВЫШЕНИЕ.

РАДУЙСЯ, БЛАГОДАТНАЯ БОГОРОДИЦЕ  
ДѢВО, ВСЕБЛАГАЯ МАТИ,  
ВЗЫСКУЮЩАЯ ПОГИБАЮЩИХЪ.

### КОНДАКЪ 5

БОГОТѢЧНОЮ ЗВЕЗДОЮ ЯВЛЯЕШИСЯ,  
ЦАРИЦЕ НЕБЕСНАЯ, ВСЕМЪ ПОДЪ КРОВЪ ТВОЮ  
ВСЕМОЩНЫЙ ПРИБЕГАЮЩИМЪ И НЕПРЕС-  
ТАННО ВО УМИЛЕННИИ СЕРДЕЧНОМЪ  
ВОПИЮЩИХЪ БОГУ: АЛЛИЛУІА.

### ИКОСЪ 5

ВИДЯ ПРАВЕДНЫЙ СИМЕОНЪ ТЯ  
ПРИШЕДШУЮ СЪ МЛАДЕНЦЕМЪ ИСУСОМЪ  
ВО ХРАМЕ ПРЕДСТАВИТИСЯ ГОСПОДЕВИ,  
РЕЧЕ: «ТЕБѢ САМОЙ ДУШУ ОРУЖІЕ  
ПРОЙДЕТЪ», ПРОРАЗУМЕВАЯ МАТЕРНЯЯ  
ТВОЯ СТРАДАНИЯ О СЫНѢ ТВОЕМЪ

БОЖЕСТВЕННЕМ. СЕГО РАДИ ЗОВЕМ ТИ;  
РАДУЙСЯ, РАБОВ БОЖИИХ ОСМЕИВАЕ-  
МЫХ ОБОДРЕНИЕ.

РАДУЙСЯ, СТОЯЩИХ ЗА ПРАВДУ ЗАЩИЩЕНИЕ.  
РАДУЙСЯ, ТЕРПЕЛИВЫХ СТРАДАЛЬЦЕВ  
ПРЕДВКУШЕНИЕМ БЛАЖЕНСТВА НА  
НЕБЕСИ УСЛАЖДАЮЩАЯ.

РАДУЙСЯ, СЕРДЦА ЗЛЫХ ЛЮДЕЙ, ВРАЖ-  
ДУЮЩИХ ПРОТИВНАЯ, УМЯГЧАЮЩАЯ.  
РАДУЙСЯ, СОВЕТЫ ЛУКАВЫЯ И КОВАРСТВО  
ИХ РАЗОРЯЮЩАЯ.

РАДУЙСЯ, ОТ РАЗБОЙНИКОВ НА ПУТИ  
НАС ОХРАНЯЮЩАЯ.

РАДУЙСЯ, БЛАГОДАТНАЯ БОГОРОДИЦЕ  
ДЕВО, ВСЕБЛАГАЯ МАТИ, ВЗЫСКУЮЩАЯ  
ПОРИБАЮЩИХ,

### КОНДАК 6

ПРОПОВЕДНИЦЫ ТВОЕЯ БЛАГОДАТНЫЯ  
ПОМОЩИ ВСЕ МНОЖЕСТВО ТОБОЮ СПА-  
СЕННЫХ ЕСТЬ: СТРАЖУЩИИ, БОЛЯЩИИ  
СКОРБЯЩИИ И ГРЕХМИ ОБРЕМЕНЕНИИ,  
БЛАГОДАРСТВЕННО О ТЕБЕ ВОПИЮЩИИ  
К БОГУ: АЛЛИЛУИЯ.



## Икос 6

ВОЗСІЯ БОЖЕСТВЕННЫЙ СВЕТ ВО  
ЕГІПТЕ И ПАДОША ТАМО ІДОЛИ, ЕГДА  
БЕЖАЛА ЕСІ, ПРЕЧІСТАЯ, С БОГОМ ЛА-  
ДЕНЦЕМ ИСУСОМ, СПАСАЮЩИСЯ ОТ  
УБІЙСТВА ІРОДОВА; ТЫ БО, ОЗАРЯЮЩИ  
СВѢТОМ БОГОВѢДЕНІЯ ЧМЫ ВСЕХ, УДАЛЯЮ-  
ЩИХСЯ ПРЕЛЕСТЕЙ СУЕТНАГО МІРА,  
ИСТОРГАЕШИ ИЗДУШ ІХ КУМІРЫ РНЕЗ-  
ДЯЩИХСЯ ТАМО РУБІТЕЛЬНЫХ СТРАС-  
ТЕЙ, ТЕМ ЖЕ ПРЕВОЗНОСИМ ТЯ СЛОВЕСЫ  
СИМИ!

РАДУЙСЯ, СУМНЯЩИХСЯ В ВѢРЕ ВРАЗУМЛЕНІЕ,  
РАДУЙСЯ, ГОРДЫХ УМОМ СВОІМ СМІРЕНІЕ,  
РАДУЙСЯ, ОЗЛОБЛЕННЫХ И ГНЕВОМ ПАЛІМЫХ  
УКРОЩЕНІЕ

РАДУЙСЯ, РОПЩУЩИХ НА ПРОМЫСЛ  
БОЖІЙ С ТЯГОТАМИ ЖІЗНИ ПРИМИРЕНІЕ,  
РАДУЙСЯ, ЗАБЛУЖДШИХ НА ПУТЬ СПАСЕНІЯ  
НАСТАВЛЯЮЩАЯ.

РАДУЙСЯ, СУЕВѢРНЫХ И РАДАТЕЛЕЙ  
ПОСРАМЛЕНІЕ.

РАДУЙСЯ, РАЗВРАЩЕННЫХ И НЕЧЕСТІВЫХ  
ОБЛИЧЕНІЕ.

Радуйся, яко душевредныя учения  
низлагаеши.

Радуйся, яко истину познавати  
помогаеши.

Радуйся, яко мрак хулы, срамословия  
и всякия лжи разсеваеши.

**Р**адуйся, Благородная Богородице  
Дѣво, Всеблагая Мати, взыскующая  
погибающих.

### Кондак 7.

**Х**отяще николиже отлучатися от  
Рожденнаго Тобою Спасителя мира,  
Ты, Бороглаженная, пребывала еси  
с Ним неотлучно во граде Назарете,  
детоводящи и питающи Его, яко  
Человека, и поющи в сердце своем,  
яко Богу: **Аллилуиа.**

### Икос 7

**Н**овую показующи Матернюю  
любовь к Сыну Твоему, со скорбию  
искала еси Его, двоюнадесято-  
лѣтняго Отрока, во граде Иеруса-  
лиме в праздник Пасхи, мнящи



ЕГО ВО ДРУЖИНЕ БЫТИ. ВЕДУЩЕ  
ТАКОВОЕ ТВОЁ СЕРДОБОЛІЕ, СО  
УМИЛЕНІЕМ ВОПИЕМ ТИ;

**Р**АДУЙСЯ, ОБИДИМЫХ И ОГОРЧЕННЫХ  
ВОЗВЫШАЮЩАЯ.

РАДУЙСЯ, НЕНАВИДИМЫХ И ВСЕМИ  
ОТВЕРЖЕННЫХ ЧЕСТІЮ ВЕНЧАЮЩАЯ.

РАДУЙСЯ, УБОГІХ И НАГІХ ОДЕЯНИЕ.

РАДУЙСЯ, НИЩИХ И РАЗОРЕННЫХ ПИТАНИЕ.

РАДУЙСЯ, БЕЗДОМНЫХ, СТРАННЫХ, ВДОВ  
И СИРОТ ПРИЗРЕНИЕ.

РАДУЙСЯ, ПУТЕШЕСТВУЮЩИХ БЛАГОПО-  
ЛУЧНОЕ К ДОМУ ВОЗВРАЩЕНИЕ.

РАДУЙСЯ, ЗАБЛУДШИХ В ПУТИ К ЖИЛИ-  
ЩУ ПРИВЕДЕНИЕ.

РАДУЙСЯ, ДЕТЕМ НЕРАЗУМНЫМ РАЗУМ  
ОБНАВЛЯЮЩАЯ.

РАДУЙСЯ, УМОМ И НРАВОМ ПРОСТЫХ  
ЛЮДЕЙ СВОЕЮ ПОМОЩІЮ НЕ  
ОСТАВЛЯЮЩАЯ.

РАДУЙСЯ, УПОВАЮЩИХ НА ВОЛЮ  
БОЖІЮ НАСЛАЖДЕНИЕ.

**Р**АДУЙСЯ, БЛАГОДАТНАЯ БОГОРОДИЦЕ

ДѢВО, ВСЕБЛАГАЯ МАТИ, ВЗЫСКУЮ-  
ЩАЯ ПОГИБАЮЩИХ.

### Кондак 8.

СТРАННОЕ И ПРЕДИВНОЕ ТВОЕ ПОПЕЧЕ-  
НИЕ БЫСТЬ О ХРИСТИАНЕХ НА ВСЕХ  
ПУТЯХ ИХ ЖИЗНИ МНОГОМЯТЁЖНЫЯ  
И МНОГОТРУДНЫЯ; ИМУЩЕ УБО В ТЕБѢ  
ТОЛІКО МИЛОСѢРДНУЮ И НЕЗАВИСТ-  
НУЮ ПОМОЩНИЦУ, ВСИ ОБЛАГОДЕТЕЛЬ-  
СТВОВАНИИ ТОБОЮ ВЕЛЕРЯСНО ПОЮТ  
БОГУ: АЛЛИЛУІА.

### Икос 8.

Вся была еси со Христом, егда  
служаше Той роду человеческому,  
якоже Божественный Лука по-  
вествует. Приидоша бо неции к  
Сыну Твоему, глаголюще: Мати  
Твоя и братья Твой вне стоят,  
видети Тя хотяще. Мним яко  
Ты, Всеблагая Мати, неотступно  
пребываеши и со всеми труждающи-  
мися во славу Божию, и восхва-



ляющими Ты тако:

Радуйся, сущих во власти к торжеству добра наставляющая.

Радуйся, святителей правило веры и благочестия являющая.

Радуйся, пастырей ревностию о спасении душ чад духовных снабдевающая.

Радуйся, наставников совершенный разум.

Радуйся, учащихся в науках преспеяние.

Радуйся, иноком и инокиням в борьбе с прилоги мира и плоти пособляющая.

Радуйся, судей святое зеркало правды.

Радуйся, врачей искусное врачевание больных.

Радуйся, земледельцев соработнице и благая помощнице.

Радуйся, всех труждающихся покой и надёжное пристанище.

Радуйся, благодатная Богородице

ДЕВО, ВСЕБЛАГАЯ МАТИ, ВЗЫСКУЮ-  
ЩАЯ ПОГИБАЮЩИХ.

### Кондак 9.

Всяк возраст верных благополь-  
зуется Твоим попечением, Все-  
милостивая Мати, яко всегда к  
Тебе прибегающим душеполез-  
ная даруеши, потребная в житии  
доставляеши и усердно ходатайст-  
вуеши за ны, немощныя и грешныя,  
у Престола Господа Славы, Ему же  
поём: Аллилуиа.

### Икос 9.

Вития многовещаннии не могут  
изглаголати Твоея Матерния пе-  
чали, при Кресте Сына Твоего  
бывшая, егда видела еси Его  
страждуща за вся человеки мукami  
неизглаголанными; тем же, яко  
искушенная по всяческим, претер-  
пети в самых тяжких скорбех и  
лишениях нам помози. Серд ради  
взываем Ти;



Радуйся, слепым прозрѣние.

Радуйся, глухим слышание.

Радуйся, хромым хождение.

Радуйся, разслабленных тѣлом

исцелѣние.

Радуйся, недужных здравие.

Радуйся, стужаемых от бесов

избавлѣние.

Радуйся поврежденных умом

просвещѣние.

Радуйся, неисцѣльных больных на  
своей всемошнней руке приѣмлющая.

Радуйся, отчаянных грѣшников  
молѣние не отвергающая.

Радуйся, от пагубнаго безволия  
их исхищающая.

Радуйся, Благодѣтельная Богородице  
Деве, Всеблагая Мати, взыскующая  
погибающих.

### Кондак 10.

Спасти хотя мир иже всех Господь,  
сый на Крестѣ, дарова всему миру  
Пресвятую Премилосердную Матерь,

ЕГДА ИЗРЕЧЕ ПРЕНЕПОРОЧНЕЙ И  
ВОЗЛЮБЛЕННОМУ УЧЕНИКУ: «ЖЕНО,  
СЕ СЫН ТВОЙ», И: «СЕ МАТИ ТВОЯ».  
БЛАГОДАРИЩЕ ЗА СИЕ ВСЕБЛАГАГО  
БОГА, ГЛАГОЛЕМ ЕМУ: **АЛЛИЛУИА.**

### **ИКОС 10.**

**СТЕНА** КРЕПКАЯ ЯВИЛАСЯ ЕСИ ПО  
ЗАВЕТУ ГОСПОДА, ПРЕБЛАГОСЛОВЕННАЯ,  
ДАРУЮЩИ ВСЕМ БЛАГОДЕНСТВО,  
МИР, ОТРАДУ, РАДОСТЬ, ЯКО И САМА СИЯ  
ОТ ВОСКРЕСШАГО ХРИСТА СПАСИТЕЛЯ  
ПРИЯЛА ЕСИ, УСЛЫШАВШИ ОТ НЕГО  
ПРИВЕТСТВЕННЫЙ ГЛАС: **РАДУЙСЯ**, ЯКО  
УБЛАЖАЮТ ТЯ ВСИ РОДИ.

РАДУЙСЯ, ВСЯКУЮ НЕНАВИСТЬ, ЗЛОБУ,  
ВРАЖДУ УКРОЩАЮЩАЯ.

РАДУЙСЯ, МИР О ДУСЕ СВЯТЕ ВСЕРДЦА  
ВЕРНЫХ ВСЕЛЯЮЩАЯ.

РАДУЙСЯ, КЛЕВЕТУ, РЕВНОСТЬ И ЗЛОПА-  
МЯТСТВО ИСТРЕБЛЯЮЩАЯ.

РАДУЙСЯ, БРАТОЛЮБИЕМ ЛЮДИ  
УЩЕДРЯЮЩАЯ.

РАДУЙСЯ, ОТ ГЛАДА, ХЛАДА, ТРУСА,



ПОТОПА, ОГНЯ, МЕЧА ОГРАЖДАЮЩАЯ.

РАДУЙСЯ, ХЛѢБОМ НАСУЩНЫМ  
ВѢРНЫЯ ПИТАЮЩАЯ.

РАДУЙСЯ, СМЕРТОНОСНУЮ ЯЗВУ  
ПРЕКРАЩАЮЩАЯ.

РАДУЙСЯ, ГНЕВ БОЖИЙ ПРАВЕДНЫЙ  
УТОЛЯЮЩАЯ.

РАДУЙСЯ, ПРАВЕДНЫХ ДЕЛ ПОСПЕШЕНИЕ.

РАДУЙСЯ, НА ВСЕХ ПУТѢХ ЖИЗНИ

ХРИСТИАН ПРОМЫШЛЕНИЕ.

РАДУЙСЯ, РОДИТЕЛЕЙ БЛАГОНРАВІЕМ  
ДЕТЕЙ УТЕШАЮЩАЯ.

РАДУЙСЯ, БЛАГОДАТНАЯ БОГОРОДИЦЕ  
ДЕВО, ВСЕБЛАГАЯ МАТИ, ВЗЫСКУЮЩАЯ  
ПОГИБАЮЩИХ.

### КОНДАК 11.

ПѢНИЕ НАШЕ СМІРЕННОЕ ОТ ПОЛ-  
НОТЫ ЛЮБВЕ И УСЕРДІЯ ТЕБѢ ПРИНО-  
СИМОЕ, НЕ ПРЕЗРИ, БОГОНЕВѢСТО, И НЕ  
ОТВРАТИСЯ ОТ НАС, ГРЕШНЫХ И НЕ-  
ПОСТОЙНЫХ, НО ПОМОЗИ НАМ ОЧИСТИ-  
ТИСЯ ОТ ВСЯКІЯ СКВЕРНЫ  
ПЛОТИ И ДУХА, ДА ВОЗМОЖЕМ

ДОСТОЙНО И ПРАВЕДНО ПѢТИ  
БОГУ: АЛЛИЛУИА.

### Икос 11.

СВѢТОМ ПУТЕВОДЯЩИМ ЯВИЛАСЯ  
ЕСИ АПОСТОЛОМ, БОГОРОДИТЕЛЬНИЦЕ,  
ПО ВОЗНЕСЕНИИ СЫНА ТВОЕГО НА НЕБО;  
СЕГО УБО СВѢТА, О ВСЕПѢТАЯ, НЕ ЛИШИ  
ВСЕХ, ДАЖЕ ДО СЕГО ДНЕ ОСТАВЛЯЮЩИХ-  
СЯ И ХОТЯЩИХ СПАСИТИСЯ И В РАЗУМ  
ИСТИНЫ ПРИИТИ. ТВОИМ СВЯТЫМ  
ВОДИТЕЛЬСТВОМ И НАС СПАСИ, В  
ЖИТЕЙСКОМ МОРЕ ТРЕВОЛИТЕЛЬНЫМИ  
ОБУРЕВАЕМЫХ, ОБАЧЕ ОТ СЕРДЦА  
ПРИНОСЯЩИХ ТЕБѢ БЛАГОХВАЛЕНИЯ  
ТАКОВАЯ:

РАДУЙСЯ, НЕЧИСТЫЯ ПОМЫСЛЫ  
ПОЖИГАЮЩАЯ.

РАДУЙСЯ, ИСКУШЕНИЯ И СОБЛАЗНЫ  
ОТ НАС ПРОГОНЯЮЩАЯ.

РАДУЙСЯ, К ПОКАЯНИЮ И ИСПРАВ-  
ЛЕНИЮ ЖИЗНИ НАШЕЯ

ПОДВИЗАЮЩАЯ

РАДУЙСЯ, СЛЕЗАМИ СОКРУШЕНИЯ



БЕЗДНУ БЕЗЗАКОНІЙ НАШИХ  
ОМЫВАЮЩАЯ.

РАДУЙСЯ, ДУХОВНО БОДРСТВОВАТИ  
НАМ ПОМОГАЮЩАЯ.

РАДУЙСЯ, К ТРЕЗВЕНИЮ И МОЛИТВЕ  
ВЕРНЫЯ ПРИВОДЯЩАЯ.

РАДУЙСЯ, БЛАЖЕНСТВО ДУХА ТЕМ  
УРОТОВЛЯЮЩАЯ.

РАДУЙСЯ, ПОДВИЖНИКОВ БЛАГОЧЕ-  
СТІЯ ЯВНОЕ УКРЕПЛЕНИЕ.

РАДУЙСЯ, БЛАГОДАТНАЯ БОГОРОДИЦЕ  
ДЕВО, ВСЕБЛАГАЯ МАТИ, ВЗЫСКУЮ-  
ЩАЯ ПОГИБАЮЩИХ.

### Кондак 12.

БЛАГОДАТЬ БОЖЕСТВЕННУЮ ИСПРОСИ  
НАМ У СЫНА ТВОЕГО И БОГА, ПРОСТРИ  
РУКУ ПОМОЩИ, ДА НЕ ПОГИБНЕМ ВО  
ГРЕСѢХ И ЛЮТЫХ ОБСТОЯНИИХ,  
НАХОДЯЩИХ НА НЫ ОТ ВРАГ ВИДИМЫХ  
И НЕВИДИМЫХ; УМИРОТВОРИ НАША  
СЕРДЦА, ЗЛОБОЮ И ВРАЖДОЮ ИСПОЛ-  
НЕННАЯ, ДА УТѢШЕНИ ТОБОЮ,  
РАДОСТНО ЗОВѢМ БОГУ: АЛЛИЛУІА.

## Икос 12.

ПОЮЩЕ ЧЕСТНОЕ ТВОЕ УСПЕНИЕ,  
ПРОСЛАВЛЯЕМ И ПОКРОВ ТВОЙ СВЯ-  
ТЫЙ, РАСПРОСТЁРТЫЙ НАД ВСЕМ  
МИРОМ, НАИПАЧЕ ЖЕ РОДОМ ХРИСТИ-  
АНСКИМ, ПРОСЛАВЛЯЮЩИМ ТЯ ТАКО:

РАДУЙСЯ, ПОКАЯНИЕМ КО ИСХОДУ ОТ  
СЕЯ ЖИЗНИ НАС ПРИУГОТОВЛЯЮЩАЯ.

РАДУЙСЯ, БОЛЕЗНЫМИ ОТ ГРЕХОВ  
ОЧИЩАЮЩАЯ.

РАДУЙСЯ, ЯКО ОТ НАПРАСНЫЯ  
СМЕРТИ ВЕРНЫЯ СОХРАНЯЮЩАЯ.

РАДУЙСЯ, ЯКО ПОСЛЕДНЯГО НАПУТ-  
СТВИЯ ДОСТОЙНЫЯ СПОДОБЛЯЕШИ.

РАДУЙСЯ, СМЕРТНЫЙ СТРАХ ОТ ТЕХ  
УДАЛЯЮЩАЯ.

РАДУЙСЯ, СКОРОЕ РАЗРЕШЕНИЕ ДУШИ  
ОТ ТЕЛА В ПРЕДСМЕРТНЫХ МУКАХ  
НАХОДЯЩИМСЯ ПОСЫЛАЮЩАЯ.

РАДУЙСЯ, МИРНУЮ КОНЧИНУ ЖИВОТА  
НАШЕРО ДАРУЮЩАЯ.

РАДУЙСЯ, ГОРЬКИХ МЫТАРСТВ  
ИЗБАВЛЯЮЩАЯ.



Радуйся, ХРИСТИАНСКАГО ПОГРЕБѢ-  
НІЯ НАС НЕ ЛИШАЮЩАЯ.

Радуйся, КО ГОСПОДУ, СЫНУ  
СВОЕМУ, О НАС ПРЕДСТАТЕЛЬСТВУЮ-  
ЩАЯ.

Радуйся, И В ЖИЗНИ И ПО СМЕРТИ  
С НАМИ ПРЕБЫВАЮЩАЯ.

Радуйся, РАДОСТЕ НАША, ДВЕРИ  
РАЙСКІЯ НАМ ОТВЕРЗАЮЩАЯ.

Радуйся, БЛАГОДАТНАЯ БОГОРО-  
ДИЦЕ ДѢВО, ВСЕБЛАГАЯ МАТИ,  
ВЗЫСКУЮЩАЯ ПОГИБАЮЩИХ.

### КОНДАК 13.

О ВЛАДЫЧИЦЕ МІРА! ПРИИМИ  
СИЁ МАЛОЕ БЛАГОДАРѢНІЕ НАШЕ,  
ОТ ВСЕГО СЕРДЦА ТЕБѢ ПРИНОСИМОЕ,  
И НЕ ПОПУСТИ НАМ НИКОЛИЖЕ ОХЛАДЕ-  
ВАТИ В СЕМ БЛАГОДАРНОМ ЧУВСТВѢ, НО  
ВРАЗУМИ НАС ВСЕГДА ПОМНИТИ ТВОЯ  
НЕИСЧѢТНЫЯ МІЛОСТИ И СО СЛЕЗАМИ  
УМИЛѢНІЯ ВОПІТИ О ТЕБѢ БОГУ!

Аллилуиа, Аллилуиа, Аллилуиа.

## МОЛИТВА

О Пресвятая Дѣво Богородице,  
Премилостивая Мати всех Христіан,  
наипаче же скорбящих, гонимых и  
различными недуги одержимых!  
Аз, нищ, сый и убог душею и телом,  
предстою пред святым Твоим обра-  
зом со слезами и умильно прошу  
Твоего благодатнаго призрѣнія,  
ничтоже бо доброе и благое во  
мне есть: весь обложен есмь  
нѣмощми, нищетой и убожест-  
вом; нозе мой не обувѣны, дабы  
поспѣшати ми на дела святая и  
блгородная; руки мой загрязне-  
ны от множества содеянных без-  
законій; очи мой потуплены от  
нечистоты совѣсти, не возмогут  
взирати на благолѣпіе красоты  
Твоея; лице мое потемнено и  
испещрено печатію безчислен-  
ных моих пороков и грехопадѣній.



НЕСТЬ ВО МНЕ НИ СПАСИТЕЛЬНЫЯ  
ВЕРЫ, НИ УТЁШИТЕЛЬНЫЯ НАДЕЖДЫ,  
НИЖЕ БЛАГОСТЫННЫЯ ЛЮБВЕ. АЗ ЕСМЬ  
ЯКО ГНЙЛОСТНЫЙ СОСУД, ПРЕИСПОЛНЕН-  
НЫЙ ВСЯКΙΑ СКВЕРНЫ, ГОРДОСТИ СЕБЯ-  
ЛЮБИЯ, ВЫСОКОУМΙΑ, ТЩЕСЛАВΙΑ,  
ГНЕВА, РАЗДРАЖИТЕЛЬНОСТИ, ЗЛОБЫ,  
ПАМЯТОЗЛОБИЯ, НЕДОБРОЖЕЛАТЕЛЬСТВА,  
ЗАВИСТИ, РЕВНОСТИ, ОСУЖДЕНИЯ, РОПОТА,  
ЗЛОСЛОВИЯ, ПРАЗДНОСЛОВИЯ, ЛУКАВСТВА,  
ЛЕСТИ, ОБМАНА, НЕВОЗДЕРЖАНИЯ ДУШЕВНЫХ И  
ТЕЛЕСНЫХ ЧУВСТВ, ПРИСТРАСТΙΑ, ПЛОТОУГОДИЯ  
ВСЯКАГО, СЛАДОСТРАСТΙΑ И ИНЫХ ТЬМОЧИСЛЕН-  
НЫХ СТРАСТЕЙ; И ВСЯКОЕ УБОЖЕСТВО МОЁ ДУХОВНОЕ,  
И ТЕЛЕСНЫЯ БОЛЕЗНИ, И НАПАСТИ ОБДЕРЖАША МЯ, И  
ВСЕ ЖИТИЕ МОЁ, ЯКО ТРОСТЬ КОЛЕБЛЕМО ВЕТ-  
РОМ, ПОЛНО НЕДОСТОИНСТВА, СТРАХА, И ВСЯКΙΑ  
ОПАСНОСТИ; ПО ГЛАГОЛУ СВЯТАГО АПОСТОЛА,  
БЕДЫ НАПАДОША ОТОВСЮДУ НА МЯ; БЕДЫ  
ОТ ДУХОВ ЗЛОБЫ ПОДНЕБЕСНЫХ, БЕДЫ ОТ  
НЕНАВИДЯЩИХ И ОБИДЯЩИХ, ВРАЖДУЮЩИХ  
ПРОТИВУ МЕНЕ ЧЕЛОВЕК;



БЕДЫ ОТ ЗВЕРЕЙ, СКОТОВ И ГАД  
ЗЕМНЫХ, БЕДЫ ОТ СТИХИЙ МІРА:  
МОЛНИИ, ОГНЯ, ВОДЫ, ТЛЕТВОРНАГО  
ВОЗДУХА, ХЛАДА, ГЛАДА; БЕДЫ ОТ  
МНОГИХ НЕМОЩЕЙ И БОЛЕЗНЕЙ  
МОЕГО ТѢЛА; БЕДЫ НА ПУТИ И В  
ДОМУ, БЕДЫ ВОДНИ И НОЩИ. КТО-  
ЖЕ МЯ ОТ ВРАГОВ ИЗБАВИТ, КТО К  
ДОБРОТЕ ДЕЛ НАПРАВИТ, КТО БОЛЕЗ-  
НИ МОЯ ИСЦЕЛИТ, КТО УТѢШИТ И  
УСПОКОИТ, ВРАЗУМИТ, НАСТАВИТ,  
СПАСЕТ И ПОМИЛУЕТ МЯ, АЩЕ НЕ  
ТЫ, ПРЕСВЯТАЯ МАТИ, ЗАСТУПНИЦЕ  
И ПОКРОВИТЕЛЬНИЦЕ ВСЕБЛАГАЯ!  
ТЫ РАЗСѢЯННЫЙ МОЙ УМ СОБЕРИ,  
ПОМЫСЛЫ ОТ ВСЯКІЯ СКВѢРНЫ ОЧИС-  
ТИ; ЧУВСТВА ОТРАВЛЕННАЯ ЗЛОМ ОСВЕЖИ;  
ВОЛЮ МОЮ НЕМОЩНУЮ НА ВСЕ ДОБ-  
РОЕ УКРЕПИ И ОТ ПАРУБНАГО БЕЗВО-  
ЛІЯ МЯ ИЗБАВИ; СЕРДЦЕ МОЕ ОТ  
СТРАСТЕЙ СВОБОДИ И СВЯТОЮ ЛЮ-  
БОВІЮ К БОГУ И БЛИЖНИМ НАПОЛ-  
НИ; ВСЮ ВНУТРЕННЮЮ ХРАМИНУ



МОЮ УСТРОЙ И УДОБНЫМ ЖИЛИЩЕМ  
ДУХА СВЯТАГО СОДЕЛАЙ. НЕ ОСТАВИ  
МЯ, ПРЕМИЛОСЕРДНАЯ ВЛАДЫЧИЦЕ, В  
ТЕЛЕСНОМ МОЕМ МНОГОСКОРБНОМ  
ЖИТИИ. БОЛЕЗНИ ПОТРЕБИ, ВРАГИ  
ВИДИМЫЯ И НЕВИДИМЫЯ РАЗЖЕНИ,  
ЗЛАЯ ОБСТАЯНИЯ РАЗРУШИ, СТРАХ,  
ПРИХОДЯЩИЙ ОТ ДУХОВ ЗЛОБЫ И  
ЧЕЛОВЕКОВ, ХОТЯЩИХ МЯ ПОРУ-  
БИТИ, ОТЖЕНИ. ВСЯ ПОТРЕБНАЯ  
И НУЖНАЯ МИ ДАРУЙ; БОДРОСТЬ  
ДУХА ПОСЛИ; ДА ОБНОВЛЕННЫЙ,  
ДА ОЧИЩЕННЫЙ, ДА УТЕШЕННЫЙ  
ТОБОЮ, ЦАРИЦЕ МОЯ ПРЕСВЯТАЯ,  
ПРОСЛАВЛЮ СВЯТУЮ ТРОИЦУ,  
ОТЦА И СЫНА И СВЯТАГО ДУХА,  
И ТВОЕ ДИВНОЕ О МНЕ ПОПЕ-  
ЧЕНИЕ НЫНЕ И ПРИСНО И  
ВО ВЕКИ ВЕКОВ. **АМИНЬ.**

